

0027699

重訂唐王燾先生外臺秘要方第四十卷目錄

蟲獸傷觸人及六畜疾三十二門

熊虎傷人瘡方七首

辨蛇一首

禁蛇法三首

辟蛇法三首

蛇齧人方一十四首

蛇螫方六首

蛇毒方三首

青蝻蛇螫方二首

蝮蛇螫方一十首

外臺秘要

四十一卷目錄

...

醫學



虺蛇螫方四首

衆蛇螫方七首

蜘蛛咬方六首

蜂螫方一十首

蜈蚣螫方六首

蠍螫方二十七首

蠅蝮尿方二十二首

惡蛇方三首

蠆螫方二十二首

射工方一十九首

溪毒方二十一首

沙蟲毒方六首

犬咬人方九首

狂犬咬人方二十二首

猪嚙人方二首

馬咋踏人方四首

剥死馬馬骨傷人方三首

馬骨所刺及馬血入舊瘡方八首

馬汗及毛入人瘡方六首

驢馬諸疾方三十一首

尚德按 今有方 二十六 首

尚德按工字下疑脫毒字

牛狗疾方六首

牛觝觸腸出方一首

油衣粘及松脂著人衣并蟲蝕毳鞞法五首

醫

大

家

唐王燾先生外臺秘要方第四十卷

宋朝散大夫守光祿卿直秘閣判登聞鼓院上護軍臣林億等 上進

新安後學程行道敬通父訂梓

熊虎傷人瘡方七首

肘後療熊虎爪牙所傷毒痛方

燒青布以熏瘡口毒即出仍煮葛根汁令濃以洗瘡

日十度并搗葛根為散煮葛汁以服方寸匕日五甚

者夜二文仲備急姚方小品刪繁古今錄驗並同千金方治虎咬

又方

葛汁時  
葛汁時  
葛汁時  
葛汁時

德按  
千金醫  
藥子金

通按  
肺氣上  
自下疑  
有缺都  
盤目有  
二一在  
魚際上  
近掌心  
數中一

嚼粟塗之 姚方文仲備急古今錄驗千金同

又方

煮生鐵令有味以洗瘡 姚方文仲備急古今錄驗千金同

又凡猛獸毒蟲皆受人禁氣今人將入山草中自宜先作禁以防之可不俟備而後療也其經術云到山下先閉氣

三十五息所在山神將虎來到吾前乃存吾肺中有白帝出收取虎兩目塞吾下部中乃吐肺氣上自通冠一山林

之上於是良久又閉氣三十五息兩手捻都監目作三步步皆以右足在前乃止祝曰李耳李耳圖汝非李耳耶汝

盜黃帝之犬黃帝教我問汝汝荅之云何畢便行一山虎走不可得見若卒逢之者因正而立大張左手五指側之

極勢跳手上下三度於跳中大喚咄曰虎北斗君使汝去虎即走止宿亦先四向如此 尚德按肘後所在山神作存神仙肺氣上自通作肺氣白通因正而作日向五指作三指

又方

雄黃

硫黃

紫石

右三物擣末以絳囊盛之帶以防用 本方無硫黃

集驗療熊虎傷人瘡方

取蒟藿一大把剉碎以水一升漬須臾取汁飲之餘

滓以敷瘡上

備急入山辟虎法

通按  
聖音全

高德按  
李時珍  
本草引  
張文仲  
云六七  
月白蟻  
文蟻黑  
甲赤目  
云云今  
此樓無

通按  
一節是  
虎頭

通按

刺向疾

是斜向

三步疑

即高步

九跡未

燒牛角羊角虎不敢近人文仲肘後千金姚同出第八卷中  
辨蛇一首

肘後云惡蛇之類甚多而毒有差劇時四五月中青蝱蒼  
虺白頸大蝎六月中何狩文變黑甲赤目黃口反鉤白蝱  
三角此皆蛇毒之猛烈者中人不卽療多死第一有禁第  
二則藥今凡俗知禁者少縱尋按師術已致困斃唯宜勤  
事諸藥但或經行草路何由皆齋方書則應儲具所製之  
藥并佩帶之自隨天下小物能使人空致性命者莫此之  
甚可不防慎之乎文仲備急同出第八卷中

禁蛇法三首

崔氏禁蛇法

路安滿所傳

有人被蛇螫者縱身不得自來但有報人至前使之  
坐問被螫何處卽面已地依左右馱指頭指內第一  
節曲文頭側上仍心想口暗誦曰  
嚙蛇頭指蛇目望蛇鄉踏蛇足訖則放前人去待極  
遠然後緩放所搯處卽差

路安滿禁蛇法

五月五日從門東刺向南三步九跡四方取氣訖重  
向南方取氣卽切切誦後呪文四十九遍於後任所  
行用其遮吒呵迦吒僧禁吒嚙劍吒蛇毒死嚙劍嚴

通按  
背足疑  
是轉背  
指二  
所疑是  
指頭指  
一節並  
無多指  
節也

蛇毒爛若欲誦呪時須在月建上立喚被螫人當前  
立定然後背足行七步仍頓足迴身向被螫人立指  
指二所如了乃誦呪七遍即放所患者歸可一炊爨  
放指目也若不解呪蛇致死乃放指目誦云吾庭前  
者木百尺無枝葉身在上資斯速出放汝去攝汝毒  
命寧收急急如律令

古今錄驗禁蛇醫方

高丘海大  
李參軍送

呪曰某郡某縣里男女姓名年若干於某年月日時  
於某處為某色蛇螫某處陰呪云你是已功曹我是  
亥明府你若不攝毒吾當指你口閉氣隨想指蛇口  
蛇口在食指第二節白肉際文以手大指甲指之各  
自以其手屈食指指之閉氣急指若螫右手右手指  
左手左手指螫當中兩手盡指急忘在放手腫處手  
刺去血即便差

出第四十五卷中

辟蛇法三首

肘後姚氏仙人入山草法辟蛇之藥雖多唯以武都雄黃  
為上帶一塊古稱五兩於肘間則諸蛇毒物莫之敢犯他  
人中者便摩以療之帶五蛇黃丸良以丸有蜈蚣故也人  
入山伐船有太赤足蜈蚣置管中繫腰又有鼃龜噉蛇帶  
其尾亦好鴉日喙彌佳禁法中亦有單行輕易者今疏其

按  
蛇龜  
日喙  
羊

高德按 萬日與 遺日同 鳩雄者 食蛇其 殺蟻之 毒詳言 時珍本 草橋下

傷德按 入山 千金作 入山

數條然皆須受而後行不爾到山車口住立存五蛇一頭  
乃閉氣以物屈刺之因左迴两步思作蜈蚣數千以衣身  
便行無所畏也 張文仲備急同 高德按車疑當作 草開疑當作開

集驗入山草辟衆蛇方

乾薑

生薑

雄黃

右三味等分擣以小絳囊盛男左女右帶佩則蛇逆者  
辟人爲蛇所中便以療之如無麝香以射茵和帶之療

諸毒良

附後千金文仲備急古 今錄驗同出第九卷中

千金療入山辟衆蛇方

當燒羚羊角冷煙出蛇則去矣

附後同出第 二十六卷中

蛇醫人方一十四首

廣濟療毒蛇咬方

取慈孤草擣以薄之卽差其草似鷲尾者是大効

五卷 中

肘後蛇咬毒腫方

乾薑末敷之燥復易之

備急文仲 千金同

又方

灸嚙處三五壯則毒不能行

又方

擣射茵塗腫上血出乃差

備急文仲 千金同

又方

猪屎熬令焦末藍一把水三升煮取二升投以洗之差

文仲療蛇嚙方

搗雄黃末以敷之打三四度差

又方

取梳裏垢如指大長一寸以尿和敷之

又方

灸梳使汗出以熨瘡口即驗急

又方

取雞屎二七枚燒作灰投酒服之差 千金同

必効療蛇咬方

五月五日前七日即齋不得食飲酒肉五辛仍先向桑下覓菟葵先知處記之至五月五日中時先手摸桑木陰一遍仍著上摸索之訖即以口嚙取菟葵嚼使熟以唾塗手熟措令遍五月七日潔齋如後七日內亦不得洗手後有蛇蠍螫者以手摩之即差止

又方

燒桑刀麝香少許和刀上以烙嚙處令皮破即差

又方

通按  
系刀未  
詳

通按  
菟葵即  
葉黃天  
葵也

高德按  
急



生蠶蛾陰乾爲末敷嚙處孔中數易之其蛾有生子者妙

又方

麝香

雄黃

半夏

巴豆

右四味等分爲末敷之

又方

先以唾塗咬處熟揉生大豆葉封之

蛇螫方六首

肘後蛇螫人瘡已合而餘毒在肉中淫淫痛痒方

取大小蒜各一升合搗以熱湯淋取汁灌瘡中姚同

崔氏療被蛇螫驗方

生椒 三兩

好豉 四兩

右二味以人唾和搗令熟用薄傷處須臾卽差

又方

取獨顆蒜截兩頭著螫處一頭大作艾炷灸之如此卽愈未愈更灸以差爲度

又方

取狼牙草六月已前用葉已後用根生咬咀以葉裹瘡火炮令熱用冷卽易之

又方

尚德按  
薛草即  
薛草即  
李時珍  
本草  
引此方

取醋草熟搗以敷螫處仍將膩幘頭裹之敷易其醋  
草似初生短嫩苜蓿苗是

又方

取遠志嚼令碎以敷之并內一片于於所螫瘡處孔

中數易之 並出第五卷中

蛇毒方三首

救急療蛇毒方

雄黃 麝香 乾薑

右三味各等分搗研以蜜和為膏敷毒螫處良凡含中  
疑有蛇處取雄黃燒令氣散及蛇並走不住

尚德按  
存疑當

又方

取獨狼牙搗臘月豬脂和以敷毒上立差

又方

取荆葉以袋盛薄瘡腫處即差止 肘後同

尚德按  
獨狼牙  
印狼牙  
者

青蛭蛇螫方二首

小品療竹中青蛭蛇螫人方

雄黃 乾薑

右二味各等分搗篩以射筒和之著小竹管中帶之行  
有急便用敷瘡兼療諸蛇毒 于金同肘後有麝香為三

肘後青蛭蛇論此蛇正綠色喜綠木及竹上與竹木色一

尚德按  
綠木肘

朱後作錄

種人卒不覺若人入林中行脫能落頭背上然自不甚嚙  
人嚙人必死那可屢肆其毒此蛇大者不過四五尺世人  
皆呼為青條蛇其尾二三寸色異者名燭尾最烈療之方

破烏雞熱敷之

蝮蛇螫方一寸者

肘後療蝮蛇螫人方

桂心 栝樓

右二味等分為末用小竹筒密塞之以帶行卒為蝮蛇  
所螫即敷之此藥療諸蛇毒塞不密則氣歇不中用  
文仲

總按藥以五後

上種蛇以和散

又方

急掘地作坎埋所螫處豎築其上毒則出土中須臾  
痛緩乃出徐徐以藥療之

又方

搗小蒜絞之飲其汁以滓封瘡上

又方

取猪耳中垢著傷瘡中當黃汁出差半耳中垢亦可  
用之良

又方

嚼鹽嚼瘡上訖灸三壯復嚼鹽嚼上

備急療蝮蛇螫人方

燒蜈蚣末敷瘡上良

肘後同

又方

蠟及蜜等分於鑊中消令和以無節竹筒著瘡上以  
蠟蜜灌竹筒令不入瘡中差無蜜唯蠟用之亦得

又方

急尿瘡中乃拔刀向日閉氣三步以刀掘地作小坑  
以熱湯沃坎中取泥作三丸如梧子大服之取少泥

塗瘡上 肘後同

文仲療蝮蛇螫人方

細辛

雄黃

右二味等分以內瘡中白三四敷之兼療諸蛇及虎傷

瘡良

又云蝮蛇形不長頭扁口尖頭斑身赤文斑亦有青黑色  
者人犯之頭腹貼相著是也東閩諸山甚多其毒最烈草  
行不可不慎之又有一種狀如蠱而短有四腳能跳來嚙  
人東人呼為千歲蝮或中之必死然其嚙人畢即跳上林  
木作聲云研木研木者但營棺其判不救若云博叔博叔  
者猶可急療之吳音呼藥為叔故也

虺蛇螫方四首

高德按  
研本草  
研時

古今錄驗療虺蛇毒方

搗葵根以敷之

肘後療虺蛇衆蛇螫人方

以頭垢敷瘡中

張文仲備急同

又方

以兩刀於水中相摩良久飲其汁痛即止

備急張文仲同

又方

搗葎草以敷之立愈神良

衆蛇螫方七首

集驗療衆蛇螫人方

取紫莧菜搗飲汁一升以滓以少水和塗瘡上又搗冬

瓜根以敷之 肘後千金同

又方

取常思葉搗取汁飲一升以滓敷瘡上又以鬼目葉

薄之止痛 肘後云搗鬼針草敷上並出第九卷中

文仲療衆蛇螫方

嚼乾薑薄瘡上不過三四差又煮吳茱萸湯以漬瘡

上立差 集驗同

又方

搗生蓼絞汁飲之少少以滓薄瘡上又按藍青薄之

又方

搗大蒜塗之以少鹽豉合搗尤佳

備急集驗古今錄  
驗同

又方

以繩縛瘡上一寸許卽毒氣不得走便令人以口啣  
所螫處取毒數滴去之毒盡卽不復痛口啣當小腫

無苦狀

備急同

又云此衆蛇者非前件三種也謂赤蝮

音連

黃領之類復當

六七種不盡知其名水中黑色名公蠃山中一種亦相似  
並不聞螫人有鈎蛇尾如鈎能倒牽人獸入水後而食之  
又南方有吻蛇人忽傷之不死終身伺覓其主雖百人衆

萬德按  
後而疑  
當作而

中亦直來取之唯遠去百里乃免耳又有施長七八尺如  
施毒中人必死卽削取船施者漬之便愈凡大蛇多是神  
不可妄殺之又額上有白色狀如王字者有靈或有角形  
者此是欲變爲龍也凡青蝮中人立死蝮中人一日死虺  
毒急於衆蛇不早療之多殘斷人手足藥不可以一法宜  
審按之 並出第八卷中

蜘蛛咬方六首

廣濟療蜘蛛咬方

取生鐵衣以醋研取汁塗之差

肘後同

又蜘蛛咬作瘡癩療不差方

取蘿摩草搗如泥封之日二三毒化作膿膿出頻著  
勿停

又方

棗葉

栢葉

各五月五日採陰乾

生鐵衣

晚蠶沙

右四味各等分搗散以生麻油和如泥先灸咬處塗之

差 並出第五卷中

千金療蜘蛛咬人方

以烏麻油和胡粉如泥塗之乾則易之取差止

肘後同出

第二十六卷中

備急療蜘蛛咬人方

取羊桃葉搗敷之立愈

肘後同

又方

以蒜切作兩斷以措之又以蒜摩地取泥塗之

文仲同並

出第八卷中

尚德按措疑當作措

蜂螫方一十首

肘後療蜂螫人方

取人溺新者洗之差

備急文仲必効刪繁同

又方

斫穀木取白汁塗之桑汁亦良

備急文仲小品古今錄驗同

尚德按  
干治別  
後牛  
角金  
竹屎

又方

煮蜂房洗之又燒灰末以膏和塗之  
千金同本方云燒牛角灰若酒和塗之

又方

刮齒垢塗之

千金文仲千金同

千金治蜂螫方

蜜 五合

蠟 二兩

猪脂 五合

右三味和煎如膏候冷以塗之甚良  
一云稍稍食之

又方

以淳醋沃地取泥塗之

又方

以尿泥塗之

又方

取蛇皮以蜜塗之炙令熱以貼螫處効又以醬汁塗

蛇皮炙以封之甚効  
並出第二十六卷中

必効療蜂螫方

擣青蒿封之亦可嚼用之  
肘後同

又方

近用薄荷接貼之大効蜀中用驗  
並出第六卷中

蜈蚣螫方八首



肘後療蜈蚣螫人方

割雞冠取血塗之差

備急文仲刪繁必効同

又方

嚼鹽塗之効又以鹽拭瘡上蜈蚣未遠不得去

備急小品

文仲古今錄驗同

又方

嚼大蒜若小蒜或桑白汁以塗之亦以麻屨底土措

之良 小品備急文仲必効古今錄驗同

又方

按蛇衛草封之佳

尚德按衛草作衛

尚德按增則後竹楷

野草

備急療蜈蚣螫人方

按藍汁以漬之即差蜈蚣不甚齧人甚亦微殊輕於

蜂當時小痛易歇脫為所中幸可依此療之藥家皆

用赤足者今赤足者螫人乃痛於黃足者是其毒烈

故也 張文仲肘後同

又方

取屋中土以水和敷之 小品同

崔氏療蜈蚣螫人方

趙雄雞令走以雞嘴氣阿之數易雞立差

張文仲療蜈蚣螫人方

醫按亦疑毒

尚德按阿疑當作呵

高德按

人疑當

作方今

看方二

十六首

同德按  
屋及介  
屋金作  
屋尾

取錫炙令熱以熨之不越十度即差

蠍螫人二十七首

廣濟療蠍螫毒方

搗蒜塗之 崔氏備急同

又方

半夏以水研塗之亦止

又方

呪曰一名蒿枝一名薄之傍他籬落螫他婦兒毒氣急去不出他道你愚癡急急如律令 並出第五卷中

集驗療蠍蟲螫人方

余身經遭此毒手指痛苦不可忍諸法療皆無効有人見令以冷水漬指亦漬手即不痛水微暖便痛即以冷水漬小暖即易之餘處冷水浸故布以搦之此實大驗 肘後備急千金必効文仲同

又方

蠍有雄雌雄者止痛在一處雌者痛牽諸處若是雄者用井底泥敷之溫則易雌者用當屋及溝下泥塗之若不值天雨可用新汲水從屋上淋下於下取泥敷之

又方

畫地作十字取上土水服五分匕 並出第一卷中

千金療蠍毒方

取齒中殘飯敷之又以猪脂封之又以射蔞封之

又方

礪砂和水塗上 急同

凡一切螫毒之物見必不得起惡心向之亦不得殺之若  
輒殺之於後必遭螫慎之慎之治亦難差

又方

嚼茱萸以封之立愈

又方

生烏頭末嚼和塗之良

崔氏療蠍螫人方

取人參嚼以敷痛處立差又以黃丹塗之差

又方

深削桂心醋磨塗之立定

又方

滴蠟燭熱脂於螫處三兩度易之 並出第五卷中

備急療蠍螫人方

蜀葵花 石榴花 艾心

右三味等分並以五月五日午時取陰乾合搗和水塗

螫處立定花取未開者

張文仲同

又方

溫湯浸之

肘後崔氏同

又方

按馬莧菜封之

肘後備急文仲同

又方

嚼乾薑塗之

肘後備急文仲同並出第八卷中

必効療蠍咬人方

溫酒以漬之又搗豉作餅如錢大貼螫處以艾炙七

壯問被咬人云是物遺報云蠍螫即語云沒所苦語

訖即私向一處翻一瓦還安舊勿使其人知廻更問

差未遺報云差訖即痛止神効

尚德按舊字下文意自足未必有缺文

古今錄驗療蠍螫人方

取苦李子人嚼以封之即差

又方

按蛇銜取汁以敷之差

又方

以木碗率取此螫處即以木碗合之便差神驗

又方

按鬼針草取汁敷之即差

有缺文

又方

五月五日取菟葵熟搗以遍塗手至後日中時然後  
洗手若有人被螫以手摩索應手即差

又禁蠍螫人法

呪曰繫胡計反俱尚蘓婆訶於五月五日桑木正

北陰中菟葵日正午時先七步至菟葵此右膝著地

立左膝手擗取菟葵子擗取著口中熟嚼吐著手內

與五葉草菟葵等相和若無子直取二葉相和於手

內左轉授之口陰誦而呪七遍一吐氣得一百八遍

止所授葉令汁出染手其葉還放置菟葵處起勿反

顧之一日一夜不得洗手亦不用點汚手內亦不得

人知作此法不得人見被螫者口問云何處即陰呪

七通男以左手摩螫處口云差去若猶小疼痛者男

指左手無名指第一節內側文頭陰呪指之女指以

右手指以右手摩螫處其菟葵私取移種於桑北五

葉草處處有之耳

又甄立言以此蠍毒陰蛇即非蜂蜈蚣之輩自有小小可

忍者有經一日一夜不可忍者京師偏饒此蟲通用諸藥

塗敷不能應時有効遂依角法以意用竹依作小角留一

節長三四寸孔徑四五分若指上可取細竹作之纔令搭

得螫處指用大角角之氣漏不啣故角不厭大大即啣急  
差速作五四枚鑄內熟煮取以角螫處冷即換初被螫先  
以針刺螫處出血然後角之熱畏傷肉以冷水暫浸角口  
二三分以角之此神驗不可以口啣毒入腹殺人甄公云  
灸即差以熱角啣之無火灸也 竝出第四十五卷中

通按

蠮音瞿

其狀

尚德按

蠮蟻詳

李時珍

本草山

雲蟲下

蠮蟻尿方二十二首

尚德按療疑當作論

千金療蠮蟻蟲尿人影便令人病其狀身中忽有處疼痛  
如芒刺亦如刺蟲所螫處後起細痞癰作聚如茱萸子狀  
四邊赤中央有白膿如黍粟亦令人皮肉急舉身惡寒壯  
熱劇者連起盡腰脇胷也療之法初得之便磨犀角塗之  
上其毒療如火丹法余以武德中六月得此病經五六月  
覺心悶不佳以他法療之不愈有友人教畫地作蠮蟻形  
以刀細細畫取蠮蟻腸中土就中以唾和成泥塗之再塗  
即愈方知天下萬物相感難曉其由矣

又方

羚羊鬚燒灰臘月猪脂和以封之差

又療蠮蟻尿方

熟嚼梨葉以封之乾復易之

又方

取馬鞭草爛搗以封之乾復易差

尚德按  
美羊鬚  
千金作  
髮羊鬚

止  
千金作

廣濟療蠅蝮尿繞腰欲死方

取敗蒲扇煮汁塗之

又方

菹豆葉搗塗之

並出第

中

深師療蠅蝮尿方

取鵲巢中土以苦酒和敷之

又方

尚德按侵疑當作浸

以雞子和白礬敷之侵淫為廣以大蒜磨研書墨塗

之一方以胡粉塗之一方以猪膏塗之又燒蒲灰敷

之並出第二十九卷中

通按白礬即白堊白土也

集驗療蠅蝮尿瘡方

燒鹿角搗末以苦酒和敷之已有汁者燒道邊斨蒲

蓆灰以敷之

深師千金并翼文仲同

又方

槐白皮

半斤切

苦酒

二升

右二味漬半日刮去瘡處以洗日五六遍末赤小豆和

苦酒敷之燥即易之小兒以水和敷之甚良

千金并翼文仲深師

同

又方

嚼大麥以敷之日三

千金同

又方

豬脂和鷲巢中土敷之 千金同並出第九卷中

千金翼療蠅蝮尿瘡方

取茱萸東引根下土以醋和塗之

又瘡表裏相當一名瘰癧

尚德按侵千金翼作瘰

瘡方

取豬牙車骨年久者槌破燒令脂出及熱塗之 千金同

又方

取棟木枝若皮燒灰敷之乾者以猪膏和敷并主小

兒禿及諸惡瘡

深師行出第二十四卷中

崔氏療蠅蝮尿瘡習習然黃水出者方

取韭搗取汁以塗之

又方

煮甘草湯洗之

又方

嚼桂塗之

又方

絞馬屎汁洗之

又方

嚼麻子塗之

又方



令患人於日裏立側近作沸湯微取以淋患人影令  
當所患瘡處六七度仍遣人熟嚼蒜以喫患人影中  
患處口中餘蒜氣卽真喫患人瘡上愈並出第五卷  
救急蠮螋尿方

取鷲窠和醎醋塗之良

出第五卷中

惡蚝方三首

尚德按蚝同載  
音刺毛蟲也

必効療惡蚝已洪腫者并差方

取椽木根并皮切一升以水三升和煎取二升適寒

溫浸洗瘡冷卽易再差

又惡蚝已洪腫爛者方

乾薑

水銀

猪脂

臘月者

右三味揉令相得卽置丸向碗中燒以竹筒籠上熏所  
腫處未熏先破兩處然後熏卽差

又方

取胡葱於燂火中煨令軟 出以紙隔手接令破以

搗瘡上以痛定爲度

李德卷中

多用神効並出第十六

薑螯方二首

肘後論云此厲字作薑字所謂蜂薑作於懷袖責育爲之

驚恐言其小而有毒起乎不意也世人呼蠮螋爲薑子而

未嘗中人乃言不可螫人雷鳴乃放想亦當極有毒書家

通接  
蚌首刺  
魚麻毒  
噴人也

此字下  
取  
字  
疑  
下  
疑  
按  
此論多  
缺文惜  
無肘後  
可對

尚德按  
疑當  
作終

呼蠓蟻為守宮本草云守宮即是蜥蜴如東方朔言則兩  
種物矣今蜥蜴及蛇鱗毋並不螫人蜥蜴有五色具者亦  
云是龍不可殺之令人震死今又有一小鳥蟲子尾有翹  
世人呼為甲蟲而尾似車緩兩尾復言此蟲是蠹未詳其  
正矣

又療蠹螫人方

擣常思草絞取汁以洗瘡 出第八卷中

古今錄驗蠹螫人方

取屋霑下土水和敷之立愈 出第四十五卷中

射工毒方一十九首

尚德按  
今有方  
十八  
又按  
及五  
水十  
及水  
浴作  
人中  
作

備急論射工毒江南有此射工毒蟲一名短狐一名蜮當  
在山間水中人行反入水中此蟲口中有橫骨狀如角弩  
卽以氣射人影則病其診法初得時或如傷寒或似中惡  
或口不能語或身體苦強或惡寒壯熱四肢拘急頭痛且  
可暮劇困者三日則齒間血出不療則死其人中有四種  
初覺卽遍身視之其一種正如黑子而皮繞四邊突赤以  
衣被犯之如芒刺狀其一種作瘡瘡久則穿陷其一種突  
起如石癰狀其一種如火灼人肉起作瘡此種最急能殺  
人居此毒之地天大雨時或逐行潦流入人家而射人又  
當養鵝鵝見卽食之船行將純白鵝亦辟之白鴨亦善帶

又按  
見千金

作鵝翎  
又按船  
行時後  
作人行

尚德按  
水湯肘  
後作小  
錫千金  
無水字

好生金犀角麝香並佳又若見身中有此四種瘡處便急  
療之方

急周繞遍去此瘡邊一寸輒灸一處百壯瘡上亦百  
壯大良 肘後同

又療射工毒方

白雞屎白者二七枚以水湯和塗瘡上

必効文仲備  
急千金肘後

同並出第九卷中

肘後初見此瘡便宜療之方

便水磨犀角塗之燥復塗亦取細屑和麝香塗之一

方云服一方寸七

又方

以白梅皮裏敗母蠱吞至六七枚本方云取水

蟲一枚置口中便差

又射工毒蟲正黑狀如大蜚生嘴一而形有雌雄雄者口

邊有兩橫角角能屈伸有一長角橫在口前弩檐臨其角

端曲如上弩以氣爲矢因水勢以射人人中之便不能語

久月竝在土中蟄其上雪不凝氣蒸休休然人有識處掘

而取帶之溪邊行亦往往得此若中毒仍爲屑與服夏月

在水中則不可見乃言此蟲必射人影便病欲度水先

以石投之則口過弩發矣若由此毒體覺不快視有瘡

狀如嚙

陳藏器  
本艸云

爲何物  
德按

未詳

大蜚  
生作狀

金狀

水一者

如大

一正

器

尚德按休疑當作休音與氣以温之也

疑當作乃

髮頭上  
有角時  
珍云此  
亦天半  
別類也  
與鼯鼠  
同功故  
亦名飛  
生

外臺必要  
處便療之瘰之亦不異

又方

取皂莢一挺三一天二升以苦酒一升煎如

錫去滓敷毒上

又方

取馬齒莧搗碎以酒一斗煎取海瘡上日四五遍良

備急同

焦驗療射工毒中人熱者一升有異於常方

取赤芫荽一升日再三服千金備

必効刪一附後同四五服

又方

犀角

升麻

烏髮根

各二兩

右三味以水四升煮取一升半去滓分再服相去一炊

又盡更作 丁金同

又方

取生菜莖莖葉一虎口斷去前後取握中者熟搗以

水二升煎取八合頓服之 千金同

又療射工中人瘡有三種一種瘡正黑如壓子皮周遍悉

赤或衣犯之如有刺痛一種作瘡瘡久則穿或晡間寒熱

一種如火灼燥起此者最急數日殺人此病令人寒熱方

身髮根

二兩

升麻

二兩

右二味切以水三升煮取一升適寒温頓服之滓薄瘡

上 肘後千金文仲備急同古今錄驗云身髮無根用某

千金療射工初中未有瘡但憎寒凜凜及其成瘡似蠛蠓

尿亦似療疽狀方

取芥子搗熟苦醋和厚塗瘡上半日痛便止

古今錄驗同

又方

取狼牙葉冬取根枝搗之令熟薄所中處又飲四五

合汁

又云山中草木上石蛭著人則穿嚙肌肉行人肉中侵淫

墳起方

灸斷其道即愈

又凡人山路行草木中常以臘月猪膏塗脚足指間跌上

及著鞋處蛭不敢著人

又江南毒氣惡核似射工暴腫生瘡五香散方

甲香

犀角

犀角屑

董陸香

升麻

身髮根

吳茱萸

沉香

丁香

各三分

黃連

羚羊角

屑

牡蠣

熬

甘草

多

黃芩

各四分

黃蘗

六分

右十五味為散水服方寸匕日二服又以雞子白和塗

石蛭 青 金作石 蛭生山 水陰濕 草水上 下同

上乾易之以水和少許洗上忌莧菜猪肉海藻

出第二十六卷

中

救急療射工毒方

取葫蒜切貼瘡灸七壯良

古今錄驗療射工中次已有瘡者方

取蜈蚣大者一枚炙搗末以苦酒敷瘡上痛便止

千金

同

溪毒方二十一首

肘後中溪毒論葛氏云水毒中人一名中水一名中溪

名中灑一名水病似射工而無物其診法初得之惡寒頭

微痛日晡疼心中煩懊四肢振熈腰背骨節皆強筋急兩

膝疼或翁翁而熱但欲睡且醒暮劇手足逆冷至肘膝二

三日則腹中生蟲食人下部肛中有瘡不痛不痒不令人

覺視之乃知耳不即療過六七日下部膿潰蟲上食五藏

熱盛煩毒汪下不禁八九日良醫所不能療之覺得之急

當早視下部若有瘡正赤如截肉者為陽毒最急若瘡如

蠡魚齒者為陰毒猶小緩要皆殺人不過二十日也欲知

是中水當作數斗湯以小蒜五升咬咀投湯中莫令太熱

熱即無力去滓消息適寒温以浴若身體發赤斑文者是

也其無者非也當作他病療之

文仲千金翼備急同

又療中水毒方

取梅若桃葉搗絞取汁三升許為二服或乾以水絞

取汁極佳集驗文仲備急千金同姚云小兒不能飲以汁敷乳頭與之

又方

取常思草搗絞汁三升飲之妙并以綿裹導下部中

日三差文仲備急同

又方

搗藍青汁以少水和塗頭面遍身令匝文仲千金翼備急同

又方

取蓼一把搗以酒一升和絞服之不過三服文仲千金翼備急同

急云肘後用梨葉

高德按  
同  
高德按

又方

取大苒連根

右一味搗作屑服之亦可投水搗絞汁飲一二升并導

下部生蟲者夏月常行多齋此屑欲入水浴先以少屑

投水上流便無所畏又辟射工家中雖以器盛水浴亦

常以此屑投水中大佳文仲千金翼備急同

又今東間諸山州縣人無不病溪毒每春月多得亦如京

都傷寒之狀呼為溪温未必皆是射工輩爾亦盡患瘡癩

但寒熱煩疼不解便死耳方家療此用藥與傷寒温疾頗

高德按  
天  
後  
子  
金  
翼  
並  
作  
蛇  
毒

相似今復疏其單療於此方

通按此方疑有缺文

東向三兩步卽以手左一攪取水將蒜一把熟搗以酒漬之去滓可飲兩杯當吐得吐便差此方甚効

備急療溪毒方

取五加根燒末投酒若漿服方寸匕

肘後文仲備急同

又方

燒鮫魚皮以飲服方寸匕立差

通按鮫魚卽今沙魚

又方

荊葉搗汁飲之佳

肘後同

又方

搗柒姑以塗之腰背諸處柒姑生東間細葉如蒜狀

有缺文

又方

烏蒜一枚搗以酒和服半升得吐卽差又名烏韭山

中甚多

又若下部生瘡已決洞者方

取秣米一升鹽五升水一石煮作糜坐中卽愈

文仲備急

同肘後並同

又方

取桃葉艾葉搗熟以水漬之縱取濃汁去滓著盤中

坐有白蟲出差

文仲備急同肘後云取桃皮葉

高德按疑當



又方

燒皂莢搗末以綿裹導之

又方

以鹽和皂莢末搗之綿裹導之

又方

末牡丹屑以飲服方寸七日三

又其土俗有療之術方

初覺便取溪蒜蒂蒼挑葉剉一觔蒸使遍熱出布席

上解衣卧上厚覆衣被大汗良久出拭之勿見風則

差已五六日恐毒入腹不可救爾應先服藥東問諸

通按  
藥毒埋  
樞俱未  
詳

高德按  
千金二  
方並治  
沙虱毒  
又按柱  
千金作  
柱

又方

千金療溪毒方

山有大木名埋檀枝葉上似梨冬不凋剝取白皮皮  
重疊如紙搥破煮服一升日夜六七遍無生者預取  
乾之亦單用茜根白蘘荷根藍青汁並佳若卒無根  
皮亦可單用藍汁可服之亦可都令煮取汁漬之若  
患腹中痛恐轉成蠱噉人腹藏者取猪脂二升熬令  
燥木一斗絞取汁稍稍服之

並出第八卷中

取大蒜十枚合皮安熱灰中炮令熱刀切斷頭以柱  
所著毒處

文仲備急崔氏同

夕堂秘要

雄黃

朱砂 常山 各等分

右三味五月五日午時使童子搗合之

出第二十六卷中

張文仲療溪毒方

取蓼搗取汁服一二升又以塗周匝差

又方

取雄牛膝根一把搗水酒共一升漬絞取汁飲之日

三雄牛膝莖白紫色者是

出第十卷中

沙蟲毒方六首

肘後中沙蟲毒論云山水間多有沙蟲其蟲甚細不可見人入水浴及汲水燥浴此蟲在水中著人及陰雨日行草

中即著人便鑽入皮裏其診法初得之皮上正赤如小豆

黍米粟粒以手摩赤上痛如刺過三日之後令人百節強

疼痛寒熱赤上發瘡此蟲漸入至骨則殺人凡在山澗水

源浴畢熟以巾拭身尚德按熟時後作當中數過又以故帛拭之一過乃敷粉

也今東間水無不有此洗浴畢以巾拭燥燥如甚毛針刺

熱看見處仍以竹葉抄拂去之比見嶺南人初有此者即

以茅葉刮去乃小傷皮膚為佳乃數塗苦苣菜汁差已深

者用針挑取得蟲子正如疥蟲著瓜上映光方見行動也

挑不得便就上灸三四炷則蟲死病除若止兩三處不能

為害多處不可盡挑灸若猶覺惛惛是其已大深便應依

按二  
燥燥  
燥燥

瓜  
作瓜  
按瓜

土俗作方術出之并作諸藥湯以俗皆得一二升沙出沙  
 出都盡乃止若無方術痛飲番酒取醉亦佳如其無則依  
 此方為療并雜用前中溪毒射工法急救七日中宜差不  
 爾則仍變成溪毒如薤葉大長四五寸初著腹脅腫如刺  
 則破雞榻之蟲出食雞或三四數遍取盡乃止兼須服麝  
 香犀角護其內作此療之彼土有中之者不少呼此病為  
 呼呼故切沙蟲吳音名沙作盜護如身長尾盜者言此蟲能  
 招呼溪氣東間山行無處不有其蟲著人肉不痛不即覺  
 者久久便生子在人皮中私攻人則為癭山行宜竹管盛  
 鹽數視體足見者以鹽塗之使脫雜少石灰尤良亦斷血

通按  
 盜護如  
 身長尾  
 大字疑  
 誤

辟水溫

又療沙蟲毒方

以少許射香傳瘡上過五日不差當用巴豆湯服之  
 一日輒以巴豆一枚二日二枚計為數并去皮心以  
 水三升煮取一升盡服之未差即更可作服之文仲備急

又方

斑猫二枚熬一枚研末服之燒一枚令煙絕末著瘡  
 中千金文仲備急同

又方

取麝香大蒜合搗以羊脂和著筒中帶之行大良千金

同  
剛繁療沙蟲方

以鹽五合以水一斗煮一沸以漬洗瘡出第十卷中

必効療沙蟲方

初著有赤點如米以鹽和麝香塗之差

犬咬人方九首

肘後犬咬人方

取竈中熱灰以粉上裹縛之千金同

又方

乾薑末服二方寸匕薑汁服半升亦良

集驗療凡犬咬人方

以苦酒和灰塗之良千金同

千金療凡犬咬人方

燒犬尾灰敷之日二又燒自死蛇灰末敷瘡中又按千金令焦為末

又方

桃東南枝白皮一握以水一升煮取五合服之

又方

葇若子七枚以水服之日一度差止

又方

獨德按  
子金日  
三  
獨德按  
五合水  
二升煮  
一升  
分二服

梅子末以酒服之

又方

以臘月鼠一枚以猪脂煎如膏去滓候凝以塗之

古今錄驗療凡犬咬人方

先以水洗瘡任血出勿止之洗勿住取血自止以帛裹之即差

在犬咬人方二十三首

千金論曰凡春末夏初犬多發惡狂必誠小弱持杖預以防之而不免者莫出於灸百日之中無闕一日者方得免難若初見瘡差痛定即言平復者此最可畏大禍即至死

兩德按  
千金鼠  
藥為末  
以臘月  
研膏和  
傅之

且夕凡狂犬咬人著訖即令人狂精神已別何以得知

但看灸時一度火下即覺心神中醒然方知咬已即狂是以深須知此此病至重世人皆輕之不以為意坐之死者

每年常有之臣昔初學醫未以為業有人遭此將以問臣臣了不知報答以是經臣手而死者非一由此銳意學之

一解以來療者皆愈方知世無良醫枉死者半此言匪虛故將來學者非必此法餘一一方皆須沉思留作心意勤

學之乃得通曉莫以粗解一兩種法即謂知說極自誤也因方申此一言言不盡意耳

又療在犬咬人方

兩德按  
千金鼠  
藥為末  
以臘月  
研膏和  
傅之

蛇脯一枚去頭炙搗末服五分七日二

又方

服青布汁三升

又方

飲驢尿一二升

又方

搗葇荑根和鹽以敷之日三度

肘後療狗犬咬人方

先嚼去惡血乃須灸瘡中十壯明日以去日灸一壯

滿百日乃止忌酒

千金文仲備急小品  
古今錄驗同

又方

搗地榆根絞取汁塗瘡無生者可取乾者以水煮汁

飲之過百日乃止日末服方寸匕日三兼敷瘡上

千金同

又方

搗薤絞取汁敷之又服一升日三須瘡差乃止亦治

已差復發者

千金同

又方

以豆醬清塗瘡日三四差

千金同

小品療狂犬咬人方

此德按  
此文與  
肘後異  
頗與十  
金同據  
二書日  
采疑當  
作亦未  
通按  
千金雜  
金

刮狼牙或虎牙骨末服方寸匕已發狂如獠犬者服此藥即愈 肘後同

又方

頭髮獨皮燒作灰末等分和水飲一盃若或已目赤口噤者可折齒灌之 肘後千金同

又方

搗地黄汁飲之并塗瘡上過百日止 肘後同

又衆療不差毒攻人煩亂嘔已作犬聲者方 通按陳音董多言動也

髑髏骨燒灰末以東流水和服方寸匕以活止凡狂

犬吠人七日輒應一發過三七日不發則免也要過

百日乃為大免每至七日 當搗薤 一作非

升又當終身禁食犬肉蠶蛹若食此發則不可救之

瘡未差之間亦忌食生魚諸肥膩肉及諸冷食但於

飯下蒸生魚及就臚器中食便發不宜飲酒能過一

年乃佳

又若重發者療之方

生食蟾蜍膾絕良亦可燒炙食之不必令其人知

得嚙便為此則不發 集驗文仲千金備急肘後同燒剝作膾吞蒜壅下也

又方

搗生薑汁一升以來服之佳

多言動也

有轉

崔氏療狂犬咬人方

凡被狂犬咬即急嚼去血急吐之勿錯嚥之然後搗  
 杏人和大蟲牙捻作餅子貼瘡上頓灸二七壯從此  
 以後每日灸一兩壯貼杏人餅子灸之須要滿百日  
 乃止百日內必莫復 差如無大蟲牙可單用杏人  
 亦得狂狗咬人每至七日即合一發值至七日即須  
 搗韭汁服一大合日更服之縱非至七日值一日煎  
 日服一兩合大妙如冬月無可取韭根搗汁服之又  
 三兩日取杏人一合搗碎熟研濾取汁和大蟲牙齒  
 無牙齒骨亦可用熟煎取一大升汁又燒竹瀝一合  
 以和杏人酪汁更煎一兩沸分三服一日俱盡又取  
 所咬犬腦以塗瘡大佳取大蟲牙齒末或大蟲脂塗  
 之便佳

又方

以大蟲骨灰和杏人膏以塗之甚良

又急療狂犬咬人無問深淺者方

初被咬便以冷水洗令血斷封裹著如其瘡大及深  
 宜於流水中浸之血斷依法封裹更不用餘裹忌風  
 千萬不畏凡初被咬即覓一切物與喫後不發也

出第



心効療狂犬咬方

梔子皮

燒灰

石硫黃

末

右二味擣為末敷瘡日一易 救急同

又方

取蚯蚓糞水和之如泥以封之上有毛以毛盡即差

又方

驢尿汁飲一升即差

又方

杏仁

切去尖

豆豉

研

韭根

一握淨洗

右三味擣為餅可瘡大小厚一二分貼咬處大作艾炷以灸餅上熱微即差

又方

虎骨

石灰

右二味以臘月猪脂和作餅子暴乾擣末以敷之良 並出

第六卷中

猪鬃人方二首

千金療猪鬃人方

鍊松脂貼上

又方

屋雷中泥以敷之 並出第二十六卷中

通按  
作音責  
也

外臺秘要

馬咋踏人方四首

肘後療馬咋及踏人作瘡有毒腫熱疼痛方

灸瘡中及腫上即差

又方

取婦人月經乾之最良 姚云神効

集驗療馬咋及踏人作瘡有毒腫熱疼痛方

割雞冠血點所醫瘡中日三若艾馬用雌雞母馬用

雄雞 肘後同

千金療馬咬人及踏人作瘡毒腫熱痛方

取馬鞭稍三尺鼠屎七枚燒末以猪膏和塗之立

愈 備急小品集驗必效古今錄驗同出第二十六卷中肘後云取馬鞭稍二寸

剥死馬馬骨傷人方三首

肘後療剥死馬馬骨傷人手毒攻欲死方

取死馬腹中尿以塗之即差 集驗千金備急古今錄驗小品同

集驗療剥死馬馬骨傷人手毒攻欲死方

絞飲其矢汁燒末服方寸匕 備急同出第九卷中

古今錄驗療剥死馬馬骨傷人手毒欲攻死方

服人尿汁 出第四十五卷中

馬骨所刺及馬血入舊瘡方八首

肘後療馬骨所刺及馬血入舊瘡中毒痛欲死方

高德按  
毒攻疑  
當作攻  
時後療

高德按  
一寸長

狐尿棘  
刺刺人  
腫痛欲  
死以熱  
桑灰汁  
廣冷復  
易取愈  
千金文  
亦與外  
臺異  
又按常  
目疑當  
作常自

以熱桑灰汁更番漬之常目為之冷即易數日乃愈  
若痛止而腫不消煮炙石令熱以熨之灸瘡上亦佳  
集驗千金同  
又按煮疑當作者

又方

尚德按脉疑當作麥

擣豚子以水絞取汁飲一升日三服

又方

酒漬馬目毒公少少飲之

小品療馬骨所刺及馬血入攻人瘡中毒痛欲死方

人糞泥之又擣馬莖敷之  
出第十卷中

刪繁療馬骨刺人馬血入人瘡孔方

又方

馬糞乾者止一物粉瘡孔上搗瘡口也

雄黃 乾薑

右二味等分擣末內瘡口中即差

又方

大小蒜擣熬煖用敷瘡上

又方

以熱湯數淋瘡上即差  
並出第十卷中

馬汗及毛入人瘡中方六首

肘後療人體上先有瘡而乘馬馬汗及馬毛入瘡中或但

尚德按  
字疑

爲馬氣所蒸皆致腫痛煩熱入腹則殺人方

燒馬鞭皮以猪膏和敷之

備急千金集驗同

又方

以水漬瘡數易水漬之

千金備急同

又方

以石灰敷上

千金備急同

集驗療人先有瘡而乘馬馬汗若馬毛入瘡及拂咯著致

令腫痛方

大飲醇酒取醉即愈

此後千金同出第八卷中

千金療馬汗入人瘡方

燒雞毛末以酒服方寸匕

集驗同

又方

煮沸湯及熱以漬之冷復易之

小品同出第二十六卷中

驢馬諸疾方三十一首

救急夫六畜之中唯馬最爲貴致遠之勞賢愚所要或在

戎漠或居村落忽患急黃黑汗等諸疾將息水草之宜人

間之要次之君子所附卷末傳以意焉凡騎馬遠行初到

先與空剉草刷畢飲水飲水畢然後與粟豆等若先與粟

豆等或水穀并必致馬病也

出第九卷中

肘後療馬熱蟲類黑汗鼻中有膿腔水草不進方

作哇空  
有膿四  
字集韻  
云空數  
也

黃瓜樓根

貝母

桔梗

大青

梔子仁

吳藍

欵冬花

大黃

白鮮皮

黃芩

鬱金

黃蘗

馬牙消

各四  
大兩

右十三味搗篩患疔當及常要啖重者藥三大兩地黃  
半斤豉二合蔓菁油四合和合齋前啖至晚飼大効

又蟲顙重者方

葶藶子

一合熬令紫  
色搗如泥

桑白皮

一大  
握

大棗

二十  
枚擘

右三味以水二升煮取一升去滓入葶藶合調勻適寒

溫灌口隔日又灌重者不過再差

又療馬脊瘡方

黃丹敷之避風卽差

又療馬羯骨脹方

取四十九隻羊蹄燒之熨骨上冷卽易之如無羊蹄  
楊柳枝指麕者炙熨之不論數差

又療馬後冷方

豉葱薑各一兩水五升煮取半和酒灌之

又療馬目暈方

霜後乾楮葉細爲末日兩度管吹眼中差

又療馬疥方

大豆熬焦和生油麻搗敷之醋泔淨洗

方

樗根末和油麻塗之先以皂莢水或泔淨洗之洗了塗令中間空少許放蟲出不得多塗恐瘡大

又方

巴豆去皮 臙粉

右二味研以油麻油和塗先洗之塗數日看更驗

備急療驢馬蟲類方

生地黃

升一

桑根白皮

兩五 紫菀

兩三

射干

兩二

麻黃

兩二

葱白

斤一

蘓合

二

蜜

合

右八味切以水一斗五升煮取八升去滓內麝香末

豆攪調作兩度灌之當灌每取早朝食時飲水三分與

一分至午時三分與二分至夜使足明日還依前法與

之其藥更加地黃及葱白蜜鼓以水三五升煮取多少

依前加麝香少許自餘將息一依前法當灌時高舉頭

勿使藥汁射肺則藥汁不出斟酌藥入即不得用全高

每灌皆取一雞子汁分灌兩鼻孔中若氣力弱隔日灌

之若神強頻日灌之若輕者三兩度灌之即差灌後三

兩日何候看鼻中膿絕頓斷即差如不斷用後法桑白

皮一斤細切以水三升煮取一升去滓每旦灌鼻孔中

灌時入研麝香一豆大佳

又馬盪方

大黃

黃芩

鬱金

當歸

芍藥

紫菀

芫蕪

白朮

牛膝

細辛各一兩

右十味合搗末用湯調方寸匕以灌之

又療馬急黃黑汗方

尚德按瓜別後係瓜

割上斷乾取陳又靴瓜頭水漬汁灌口如不足用大

黃當歸各一兩鹽半升以水三升煎取半分兩度灌

口如不定破尾使骨縫血即止

肘後同

又療馬起臥胞轉并腸結並用此方

細辛

防風

芍藥

各一兩

鹽

一分

右四味切以水五升煮取二升半去滓分二度灌後

前灌方

芒硝

鬱金

寒水石

大青

各一兩

右四味切以水五升煮取一升去滓以油酒各半升和

調分二度灌口

肘後同

又療馬心黃并肺熱方

大黃

黃芩

芍藥

細辛

各一兩

右四味切以水五升煮取二升半油半升酒半升調和

分為三度灌口如不定鹽半升水一升半溫如人肌和  
鹽灌後即定

又春冬灌馬方

大黃

鬱金

黃芩

細辛

芍藥

枳椇

升麻

麻黃

大青

茵陳

白朮

芒硝

寒水石

朴硝

各一兩

右十四味搗為散若春灌即和雞子油量亦多少攪調  
灌口若冬灌即切以煎之訖冷和油及酒灌

又療馬蟲額十年以上灌鼻一兩度無不差也

將酒清和膽半合攪令調分兩度灌鼻每一灌停一兩

日將息不得傷多多即傷馬故錄之令知 肘後同

又療馬蟲額方候馬鼻沫出梁腫起即不可療

硃砂

二酸棗許研

猪脂

臘月者雞子許

右一味先研硃砂令極細為末然後熬猪脂及硃砂煎

一沸停如人肌高仰馬鼻以灌之一炊久若患一鼻減

藥之半兩鼻患兩鼻中灌之一鼻患一鼻中灌之灌鼻

後一二日更有熏法如後葺若子別搗藜蘆穀精草乾

膝草藤子別搗各等分為末相和以麻撚如燭燒一頭

內馬鼻中令煙入效仍仰馬頭令稍高



又療馬驢胞轉欲死方

搗蒜內小便孔中深五寸立差又用小兒尿和水灌

口立差

又方

騎走上坡用木膠下來去捺以手內大孔中揆却糞

大効揆法剪却指甲以油塗手恐損破腸也肝後同

又方

但以鹽四升人尿和灌口

又方

搗蒜三升哺之小馬分半

又療馬患月伶方

取鬼微熱按措之立差鬼微如地菌夏月得濕多聚

生糞中見日消黑者是

又療馬食著地膽等蟲輒困脹悶立死方

取桑根入地一尺者去黃皮剉之以水煎取濃汁急

灌口止毒勝茸草

又療馬嗽方

取麻子一斗飼之立定若腔及色焦與契即光澤肝後

又馬跂蹄方

詳鬼微未  
高權按  
李時珍  
本草土  
菌附錄  
鬼蓋下  
有鬼繳  
形狀正  
與鬼微  
同疑是

通按

阻音起  
行不進

於馬櫪下當馬前脚闊一尺許掘渠深一尺許取石

如雞子許大滿中填實令馬立其上兩日即差肘後同

又馬每月一兩度灌油鹽永不著黃方

以油一小升鹽一小合和以灌口瘦弱馬以意量之

又馬脊瘡方

取馬通汁及熱遍瘡上塗之

又療馬疥方

雲花草一兩狀如麻黃而堅實 熏黃二兩 附子一枚用藜蘆二兩神効

右三味搗末生麻油和之以泔清皂莢洗之日中少時

令水乾後傳藥不過五六遍無不差韓五家盛談効驗

但苦不識雲花出第九卷中

又療馬筋瘡方

硃砂 藜蘆 槐子 葶蘆子各半兩

熏黃 石硫黃 黃蘗 巴豆

烏麻各少許 蜜 猪膏各半兩

右十味搗為末蜜猪膏和藥如泥敷瘡方

又方

取一杯酒酢并麥米等相和令調塗布上重裹上用

麻纏每敷先以鐵漿汁洗病拭乾塗藥日再差止

牛狗疾方六首

德按  
疑當  
外上

肘後療牛疫病方

取獺屎三升以沸湯淋取汁二升灌之良

又療牛馬六畜水穀疫病方

取酒和麝香少許和灌之

又療六畜脊瘡焦痂方

以麩糊封之即落

又療牛脹方

以猪脂和小兒尿灌口差

又療牛喫菹苜草誤喫地膽蟲肚脹欲死方

以研大麻子灌口差吹生葱亦佳

尚德按  
菹苜疑  
當作苜

救急療犬疥方

蛇皮燒灰和粥與喫出第九卷中

牛舐觸腸出方一首

救急療牛舐觸腸出方

硃砂一大兩 乾薑二小兩

右二味為末塗損處腸即自入腸乾不入宜割去乾處

訖用粟穀葉為末以敷之即却入大良神妙出第九卷中

油衣粘及松脂著人衣蟲蝕種鞮法五首尚德按衣字下疑脫并字

救急油衣粘法

以黃土泥水和如煎餅麩表裏塗之陰乾一宿以水

通按  
本草不  
載惟葛  
氏方療  
熊虎爪  
傷嚼栗  
塗之疑  
即今秋

濯去之不粘也

又鞮被蟲蝕方

取吳茱萸搗末和麩作糊塗鞮面煎茱萸汁刷之其

蟲永斷

又氈被蟲蝕方

刈取黃蒿有子者暴乾鋪氈中卷之令遍置閣上十

年不蝕

又松脂著人手足及衣氈襪洗不去法

以嚼杏人洗之立去除采色衣物等著車脂及油膩

等米研煮作飲洗之何損一云車脂嚼紫碧綠粟以水洗之

蠟以蜜水洗之極驗

又方

煮水便和皂莢洗佳以酒洗亦佳以蜜和湯洗之平

復不損色並試有功雖是小事亦為切要以附之服

餌之末出第九卷中

熙寧二年五月二日准 中書劄子奉

聖旨鑄版施行

朝奉郎守國子博士同校正醫書騎都尉賜緋魚袋臣高保衡

朝奉郎守尚書屯田郎中同校正醫書騎都尉臣孫奇

朝散大夫守光祿卿直秘閣判登聞鼓院上護軍臣林億

朝散右

諫議大夫叅知政事護

郡開國侯命

一千一百戶賜紫金魚袋臣王安

推忠佐理功臣正奉大夫行右諫議大夫叅知政事上柱國南

陽郡開國侯食邑二千戶賜紫金魚袋臣趙抃

推忠協謀同德守正亮節佐理功臣開府議同三司行尚書左僕射無門下侍郎中書

門下平章事集賢殿大學士上柱國魯國公食邑萬二千戶食實封叅詳捌伯戶臣曾公亮

推忠協謀同德守正亮節佐理功臣開府儀同三司行尚書左僕射無門下侍郎中書門

下平章事昭文館大學士監修國史兼譯經潤文使上柱國鄭國公食邑一萬戶

食實封肆仟貳佰戶臣富弼

德按  
疑當  
下儀

浙江